

AKTA PILIHAN RAYA 1958 (AKTA 19)

DISEDIAKAN OLEH:
NURUL EZZA BINTI MAUSAR

▶ Suatu Akta bagi membuat peruntukan mengenai pilihan raya bagi Dewan Rakyat dan Dewan Undangan bagi Negeri-Negeri.

▶ Akta ini mengandungi 6 Bahagian, 17 seksyen:

BAHAGIAN I PERMULAAN

BAHAGIAN II PENYELIAAN PILIHAN RAYA

BAHAGIAN III BAHAGIAN PILIHAN RAYA

BAHAGIAN IV PENDAFTARAN PEMILIH

BAHAGIAN V PENJALANAN PILIHAN RAYA

BAHAGIAN VI PERATURAN-PERATURAN

BAHAGIAN I PERMULAAN

- ▶ Seksyen 2

- “calon”

- “daerah mengundi”

- “pemilih”

- “pilihan raya”

- “pilihan raya Negeri”

- “pilihan raya Parlimen”

- “pusat mengundi”

- “setiausaha”

BAHAGIAN III BAHAGIAN PILIHAN RAYA

- ▶ Seksyen 7 - Daerah mengundi dan pusat mengundi (Rujuk dalam Akta)
- ▶ Contoh soalan

Q1: Suruhanjaya Pilihan raya telah memutuskan agar penyempadanan semula kawasan pilihan Raya Dewan Undangan Negeri Likas dibahagikan kepada dua kawasan pilihanraya Dewan Undangan Negeri, untuk melaksanakan keputusan tersebut apakah yang patut dilakukan oleh Suruhanjaya Pilihan raya di bawah Akta Pilihan Raya 1958 (Akta 19)?

Q2: Apakah yang perlu dilaksanakan oleh Suruhanjaya Pilihan Raya selepas penyempadanan semula dibuat di bawah Akta Pilihan Raya 1958 (Akta 19)?

► Skema Jawapan...

Penyempadanan semula kawasan pilihan raya Dewan Undangan Negeri Likas kepada dua kawasan pilihan raya boleh dilaksanakan oleh Suruhanjaya Pilihanraya berdasarkan kepada seksyen 7 Akta Pilihan Raya 1958, di mana Suruhanjaya Pilihan Raya hendaklah—

- (a) membahagi setiap bahagian pilihan raya kepada daerah-daerah mengundi;
- (b) menguntukkan kepada setiap daerah mengundi suatu huruf atau huruf-huruf pengenalan atau nombor pengenalan atau kedua-duanya;
- (c) menetapkan tempat atau tempat-tempat akan ditubuhkan tempat atau tempat-tempat mengundi bagi daerah itu; dan
- (d) menyiarkan dalam Warta suatu notis yang menentukan—
 - (i) daerah-daerah mengundi yang mengikutnya bahagian pilihan raya itu telah dibahagi;
 - (ii) huruf atau huruf-huruf pengenalan atau nombor pengenalan atau kedua-duanya yang diperuntukkan kepada setiap daerah mengundi; dan
 - (iii) tempat atau tempat-tempat yang telah ditetapkan untuk penubuhan tempat atau tempat-tempat mengundi bagi setiap daerah mengundi.

BAHAGIAN VI PERATURAN-PERATURAN

- ▶ Seksyen 15 - Kuasa untuk membuat peraturan-peraturan yang berhubungan dengan pendaftaran pemilih (Rujuk Akta)
- ▶ Seksyen 16 - Kuasa untuk membuat peraturan-peraturan yang berhubungan dengan perjalanan pilihan raya (Rujuk Akta)
- ▶ Contoh soalan

Q1: Dengan merujuk kepada Akta Pilihan Raya 1958, huraikan peraturan mengenai pendaftaran pemilih.

Q2: Dengan merujuk kepada Akta Pilihan Raya 1958, huraikan apakah peraturan-peraturan yang berhubungan dengan perjalanan pilihan raya.

► Skema Jawapan

Q1: Seksyen 15 Akta Pilihan Raya 1958

Suruhanjaya Pilihan Raya boleh dengan kelulusan Yang di-Pertuan Agong membuat peraturan-peraturan bagi pendaftaran pemilih dan bagi semua perkara yang bersampingan dengannya.

Peraturan-peraturan itu boleh adalah –

- (a) menetapkan hal penyimpanan dan penyenggaraan daftar pemilih dalam mana-mana bahagian pilihan raya dan juga jenis dan bentuk daftar pemilih itu;
- (b) menetapkan tatacara yang hendaklah diikuti dalam penyediaan dan penyiaran daftar pemilih;
- (c) menetapkan masa sesuatu daftar pemilih hendaklah disediakan atau disemak dan tatacara yang hendaklah diikuti dalam membuat penyemakan itu;
- (d) menetapkan tatacara yang hendaklah diikuti dalam penyediaan dan penyiaran daftar pemilih baharu bagi mana-mana bahagian pilihan raya jika sempadan-sempadan bahagian pilihan raya itu telah ditetapkan atau diubah selepas daftar pemilih disediakan;
- (e) menetapkan tatacara yang hendaklah diikuti pada membuat dan memutuskan tuntutan yang meminta sesuatu nama dimasukkan ke dalam sesuatu daftar pemilih atau ke dalam sesuatu daftar pemilih baharu atau ke dalam sesuatu daftar pemilih semakan dan pada membuat dan memutuskan bantahan terhadap kemasukan apa-apa nama di dalamnya;
- (f) membuat peruntukan bagi pembayaran pampasan, yang tidak melebihi satu ribu ringgit, kepada mana-mana orang yang terkilan oleh sebab suatu bantahan yang dibuat dengan tiada sebab yang munasabah terhadap kemasukan namanya ke dalam mana-mana daftar pemilih oleh orang yang membuat bantahan itu;

Sambungan...

(g) menetapkan apa-apa bentuk permohonan, notis atau dokumen lain yang perlu atau wajar digunakan berkaitan dengan apa-apa perkara yang diperkatakan dalam seksyen ini;

(h) memberi kuasa mana-mana Pendaftar atau Pegawai Pengadil, bagi maksud menimbang atau memutuskan apa-apa permohonan, tuntutan, bantahan atau rayuan yang dia dikehendaki menimbang atau memutuskannya di bawah mana-mana peraturan-peraturan yang dibuat di bawah seksyen ini, memanggil mana-mana orang supaya hadir di hadapannya dan memberikan keterangan bersumpah atau berikrar dan bagi mengendalikan sesuatu sumpah atau ikrar itu bagi maksud itu dan bagi memerintahkan supaya dikemukakan apa-apa dokumen yang berkaitan dengan apa-apa persoalan yang pegawai itu dikehendaki menimbang dan memutuskannya;

(i) menetapkan fi yang hendaklah dibayar mengenai apa-apa permohonan, notis, tuntutan atau bantahan dan cara bagaimana fi itu hendaklah diperlakukan;

(j) menetapkan cara bagaimana sesuatu daftar pemilih atau sesuatu daftar pemilih baharu atau sesuatu daftar pemilih semakan hendaklah diperakui;

(k) membuat peruntukan bagi membetulkan kekhilafan tulisan dalam mana-mana daftar pemilih;

(l) membenarkan atau menghendaki Pendaftar membekali mana-mana orang sebagaimana yang ditetapkan dengan salinan mana-mana daftar pemilih atau mana-mana bahagiannya, sama ada dengan percuma atau dengan membayar apa-apa fi sebagaimana yang ditetapkan dalam peraturan-peraturan itu;

(n) membuat peruntukan bagi pembahagian bahagian pilihan raya kepada unit-unit pendaftaran.

Q2: Peraturan-peraturan yang berhubung dengan perjalanan pilihan raya adalah seperti yang diperuntukkan di dalam seksyen 16 seperti yang berikut:

- (a) menetapkan cara bagaimana notis untuk mengadakan sesuatu pilihan raya;
- (b) menetapkan tatacara bagi penamaan calon dan bagi membuat dan memutuskan bantahan terhadap mana-mana penamaan;
- (bb) membuat peruntukan bagi tatacara dalam pemberian kelulusan oleh Suruhanjaya Pilihan Raya mengenai apa-apa simbol yang hendak digunakan dalam sesuatu pilihan raya: Dengan syarat bahawa Suruhanjaya Pilihan Raya tidak boleh meluluskan apa-apa simbol yang berkaitan dengan mana-mana agama atau mazhabnya atau yang selainnya tidak sesuai dengan ketertiban atau prinsip moral;
- (c) membuat peruntukan bagi penyiaran notis mengenai tarikh yang pungutan undi akan dijalankan bagi sesuatu pilihan raya yang dipertandingkan;
- (d) menetapkan amaun apa-apa deposit, yang tidak melebihi dua puluh ribu ringgit dalam setiap hal, yang hendaklah dibayar oleh atau bagi pihak calon, dan hal keadaan yang membolehkan deposit itu dilucuthakkan;
- (e) menetapkan kemudahan yang hendaklah diadakan ditempat mengundi, dan orang yang boleh dibenarkan masuk ke tempat mengundi pada tarikh pungutan undi dijalankan, dan membuat peruntukan bagi pelantikan ketua tempat mengundi atau ketua-ketua tempat mengundi dan pegawai atau kakitangan lain berkenaan dengan setiap tempat mengundi;
- (f) menetapkan tempat dan cara bagaimana undi boleh dibuang dan rupa bentuk dan cara untuk memastikan peti undi yang digunakan dalam pilihan raya itu terjamin selamat dan bagi pengeluaran kertas undi kepada pemilih;

Sambungan...

- (g) memperuntukkan cara bagaimana, dan oleh siapa, sesuatu soal tentang identiti seseorang yang menuntut untuk mengundi hendaklah diputuskan;
- (h) menetapkan bentuk apa-apa kertas undi dan kaunterfoil yang hendaklah digunakan dalam pilihan raya;
- (i) menetapkan cara bagaimana peti undi, kertas undi yang tidak dipakai atau kertas undi rosak, salinan daftar pemilih yang telah ditanda, kaunterfoil kertas undi, dan dokumen lain hendaklah diselenggarakan apabila pungutan undi ditutup;
- (j) menetapkan tatacara yang hendaklah diikuti dalam pengiraan undi dan hal keadaan yang membolehkan undi ditolak oleh pegawai pengurus atau ketua tempat mengundi yang dilantik mengikut peraturan-peraturan yang dibuat di bawah perenggan (e) sebagai tidak sah;
- (k) membuat peruntukan bagi pembuatan dan penyiaran penyata oleh pegawai pengurus dan pernyataan mengenai pungutan undi tentang mana-mana pilihan raya;
- (l) menetapkan apa-apa borang yang perlu atau wajar digunakan berkaitan dengan perkara yang diperkatakan dalam seksyen ini atau mana-mana peraturan yang dibuat di bawahnya;
- (m) menetapkan syarat bagi penggunaan kenderaan motor persendirian dalam pilihan raya;
- (n) menetapkan kemudahan yang hendaklah diadakan bagi pengundian melalui pos dan orang yang berhak mengundi melalui pos;
- (o) memperuntukkan bahawa perbuatan tertentu disifatkan sebagai perbuatan yang menyalahi undang-undang bagi maksud Akta Kesalahan Pilihan Raya 1954.